



柳田文庫
文庫11
D 287
1



本
登
序

會
稽
徐
氏
重
刊

文庫 11
D287
1

010190563753

元史本證序

讀經易讀史難讀史而談褒貶易讀史而證同異難證同異於漢魏之史易證同異於後代之史難昔溫公資治通鑑成惟王勝之假讀一過他人閱兩三紙輒欠伸思臥況宋元之史文字繁多雖殞在學官大率束之高閣文多則檢閱難周又鮮同志相與商榷者則鑽研無自卽有譔述世復不好甚或笑其徒費日力史學之不講久矣僕少時有志於此晨夕攜一編隨手紀錄於元史得攷異十五卷自媿按索未備今老病健忘舊學都廢頃汪君龍莊以所著元史本證若干卷寄示竊喜天壤間尙有同好而龍莊好學深思沿波討源用



力之勤勝於予數倍也本證之名昉於陳季立詩古音然吳
廷珍新唐書糾繆已開其例矣歐宋負一代盛名自謂事增
文簡既精且博廷珍特取記志表傳之文彼此互勘而罅漏
已不能掩若明初史臣既無歐宋之才而迫於時日潦草塞
責兼以國語繙譯尤非南士所解或一人而分兩傳或兩人
而合一篇前後倒置黑白混淆謬妄相沿更僕難數而四百
年來未有著書以規其過者詎非藝林之闕事歟廷珍求入
史局弗得年少負氣有意吹求其所指摘往往不中要害龍
莊則平心靜氣無適無莫所立證誤證遺證名三類皆自據
新得實事求是不欲馳騁筆墨蹈前人輕薄褊躁之弊此所

以有大醇而無小疵也攷史之家每好按錄傳記小說矜術
奧博然羣言殺亂可信者十不二三就令采擇允當而文士
護前或轉謂正史之有據茲專以本史參證不更旁引則以
子之矛刺子之盾雖好爲議論者亦無所置其喙懸諸國門
以待後學不特讀元史者奉爲指南卽二十三史皆可推類
以求之視區區評論書法任意褒貶自詭於春秋之義者所
得果孰多哉

嘉慶七年歲次壬戌四月辛丑朔嘉定錢大昕書

予錄三史同名閱元史數周病其事跡舛闕音讀歧異思欲
略爲釐正而學識淺薄衰病侵尋不能博攷羣書苟按逸事
爲之糾謬拾遺因於課讀之餘勘以原書疏諸別紙自丙辰
創筆迄於庚申流覽無閒刺取浸多遂彙爲一編區以三類
一曰證誤一事異詞同文墨見較言得失定所適從其字書
爲刊寫脫壞者弗錄焉二曰證遺散見滋多宜書轉略拾其
要義補於當篇其條目非史文故有者弗錄焉如藝文志國
語解之類
三曰證名譯無定言聲多數變輯以便覽藉可類求其漢語
之彼此訛舛者弗錄焉凡斯數端或舉先以明後或引後以
定前無證見則弗與指摘非本有則不及推詳爰取陳第毛

本證
詩古音攷之例名之曰本證曩者三史同名錄草槁初成子繼培復爲增補因將證名一門并令校錄有及證誤證遺亦錄之時賢訂元史者錢宮詹攷異最稱精博戊午暮秋始得披讀凡以本書互證爲鄙見所未及者悉采案詞分隸各卷不辭誚于竊取幸免恥于攘善自維桑榆景迫梨棗功艱強記日疎求正益切去夏同名錄竣工隨取是編重加排比付諸剞劂非敢規前人之過銜其所長庶逮聞大雅之言補吾所短若夫假以餘年益所新得此則區區之志所不能自必者也嘉慶七年歲在壬戌正月三日蕭山汪輝祖敘
元史本證五十卷

證誤廿三卷

證遺十三卷

證名十四卷

敘目終

本證敘目

會稽徐氏重采



元史本證卷一

證誤一

紹興先正遺書甲集之四

蕭山汪輝祖 男繼培補

太祖紀

歲癸丑汪罕父子謀欲害帝 案以上壬戌下甲子證之丑

當作亥

復以汝案彈爲我祖忽都刺之子 繼培案忽都刺卽宗室

表忽魯刺罕乃帝叔祖也

三年屈出律奔契丹 繼培案曷思麥里傳帝命曷思麥里

從哲伯爲先鋒攻乃蠻克之斬其主曲出律 卽屈哲伯命

曷思麥里持曲出律首往徇其地抄思傳其先泰陽爲乃

本證一 證誤一

會稽徐氏重刊

本記一
蠻部主祖曲書律即屈出律父做溫太祖舉兵討不庭曲書律失其部落做穩奔契丹据二傳則屈出律被斬其奔契丹者做溫也紀誤

六年十月耶律阿海降入見帝於行在所 案本傳歲壬戌太祖與宗親大臣同休戚者飲辨屯河水為盟阿海兄弟皆預焉是其降已久此時特見帝行在耳降字蓋誤衍

八年史天倪蕭勃迭率眾來降木華黎承制並以為萬戶

案石抹孛迭兒傳即蕭勃迭稱擢為千戶錢氏大昕元史攷異

云案天倪傳亦云以萬戶統諸降卒而石抹孛迭兒傳但云擢為千戶兩傳互異攷元初萬戶為軍官最要之職太

祖時惟木華黎博爾朮為左右萬戶納牙為中軍萬戶此外雖蒙古世臣亦不輕授天倪輩漢人初附豈得便居此職則石抹傳云擢千戶者似為近之元制除萬戶未有不賜金虎符者今據天倪傳是年已為萬戶至甲戌始賜金符乙亥授副都元帥乃改賜金虎符則其初降必未授萬戶也攷異又引木華黎行錄史氏慶源碑以非本史所有故不錄後皆類此

十年乙亥二月木華黎攻北京金元帥寅荅虎烏古倫以城降 案石抹也先傳寅荅虎等乃東京守臣降在乙亥攻北京之前

十六年春帝攻卜哈兒僻迷思干等城 攷異云僻迷思干

卽尋思干也上年五月已書克尋思干城矣何以此春又書攻下之豈克而又叛乎抑史文重出乎

宋漣水忠義統轄石珪率衆來降 案本傳降在庚辰乃太祖十五年

十七年西域主札闐丁出奔與滅里可汗合忽都忽與戰不利帝自將擊之擒滅里可汗札闐丁逃去 案速不台傳帝征回國其主滅里委國而去命速不台追之滅里逃入海不月餘病死是滅里可汗未嘗被擒也但察罕傳稱札刺丁卽札闐丁爲回國主曷思麥里傳云札刺丁逃入於海或速不台傳誤以札刺丁爲滅里亦未可知

二十年二月武仙以眞定叛殺史天倪董俊判官李全亦以中山叛 案此李全與據青州之李全別是一人董俊傳稱治中叛在庚辰乃太祖十五年也此誤攷異云殆因次年有李全執張琳郡王帶孫圍全益都事而牽連及之是誤切兩李全爲一人也

二十一年 案年下失書丙戌

十二月李全降授張柔行軍千戶保州等處都元帥 案字魯傳李全降在丁亥張柔傳授千戶都元帥在乙酉紀並誤

至大二年冬十一月庚辰加諡法天啟運聖武皇帝廟號太

祖 案武宗紀在十二月己卯

太宗紀

母曰光獻皇后 案后妃表當作光獻翼聖皇后

三年二月克鳳翔攻洛陽河中諸城皆下之 案下文云十

月帝圍河中十二月拔之則二月未嘗下河中也

八年七月皇子闊端於東平府戶內撥賜 案食貨志歲賜

當作東京路

九年丁酉蒙哥征欽察部破之擒其酋八赤蠻 案憲宗紀

亦以八赤蠻為欽察酋長 地理志欽察作攷速不台傳敗

欽察在太祖己卯平欽察在太祖癸未其征八赤蠻則在

太宗乙未距欽察之平已十有三年此以八赤蠻為欽察
酋長誤矣

憲宗紀

母曰莊獻太后 案后妃表至元二年追諡莊聖皇后至大

三年加諡顯懿莊聖皇后后妃傳同此誤

六年高麗國王細嗟甫來覲 案高麗傳憲宗時國王名暉

此云細嗟甫疑是一人二名然傳無六年入覲之事

八年十一月進攻長獲山守將大淵降命大淵為四川侍郎

案大淵上脫楊字本傳長獲山作大獲城拜侍郎在己

未冬乃九年也

世祖紀一

母莊聖太后 案后妃表及本傳當作顯懿莊聖

乙卯冬駐奉聖州 案至元三年方降德興府爲奉聖州此
誤

中統元年七月詔中書省給諸王塔察兒益都平州封邑歲
賦 案地理志永平路平州當作平灤

十二月賜先朝皇后帖古倫銀二千五百兩 案后妃表帖
古倫乃世祖大皇后不當云先朝繼培案此蓋太祖帖木
倫皇后之譌給其位下歲賜耳

二年九月以開元路隸北京宣撫司 案地理志開元爲路

在至元二十三年中統元年不得有此稱也十一月罷十
路宣撫司止存開元路誤同

世祖紀二

三年二月以興松雲三州隸上都 案是年十二月割北京
興州隸開平府四年五月戊子陞開平府爲上都庚子陞
上都路望雲縣爲雲州松山縣爲松州則此書以興松雲
三州隸上都者誤也是年四月以望雲松山興州課程隸
開平府而又先書免松州興州望雲州新舊差賦不自相
矛盾耶

四月禁征戍軍士及勢官毋縱畜牧傷其禾稼桑棗 案已

書于正月

以北京廣寧豪懿州軍興勞弊免今歲稅賦 案地理志豪

懿是二州

五月以右丞相忽魯不花兼中書省都斷事官 案宰相表

右當作左

六月割遼河以東隸開元路 案開元不當稱路證見上

七月賜夔州路行省楊大淵金符十銀符十九 案夔州路

無行省据大淵傳則以都行省用兵於夔耳且立夔州路
在至元十五年見地理志是中統時亦不得稱夔州路也

十一月陞撫州爲隆興府割宣德之懷安天成及威寧高原

隸焉 案地理志威寧當作威寧

十二月封皇子眞金爲燕王守中書令 案已書于二年十

二月

建行宮于興隆路 案地理志當作隆興

四年三月復立宿州 案已書于三年十一月

四月罷開元路宣慰司 案中統二年罷十路宣撫司止存

開元路其改宣慰司則在至元十五年此時不得有此稱
開元稱路亦誤見前

七月燕京河間開平隆興四路屬縣雨雹害稼 案是年五

月陞開平爲上都此不當仍用舊名隆興析路在至元四

年見紀河閒置路在至元二年見地理志此稱路俱誤

十一月立御衣尙食二局 案立尙食局已書于二年十二月

至元元年十二月詔罷樞密院斷事官 案百官志樞密院
是年始置斷事官二員罷蓋置字之誤

世祖紀三

二年十月太原石抹總管 案名按只有傳

三年六月立漕運司 案已書於至元元年三月

十二月給諸王合必赤行軍印 案已書于中統三年正月

四年七月罷息州安撫岳林以其民隸南京路 案三年七

月已書罷息州安撫司此疑複

十一月南京宣慰劉整赴闕 案本傳當作宣撫使立河南

即南宣慰司在十年見紀

十二月省平陽路岳陽和州入冀氏 案地理志和州當作

和川

省安西路櫟陽縣入臨潼 案地理志至元十六年改京兆
爲安西路四年不得有此稱

五年七月以右丞相塔察兒爲御史大夫 案中統四年六

月以塔察兒爲左丞相宰相表同此云右丞相豈表失書

抑紀誤耶

九月建堯廟 案中統四年六月已書建帝堯廟于平陽
復以史天澤爲樞密副使 案本傳四年無復爲樞密副使
事宰相表四年至六年俱在中書此疑誤
六年七月萬戶解汝楫李庭率舟師敗之 案傳解汝楫爲
水軍萬戶庭尙爲權管軍千戶此統稱萬戶誤
八月以沙肅州鈔法未行 案地理志沙肅是二州
十二月改楨州復爲韓城縣 案地理志作禎州
世祖紀四
七年二月以前中書右丞相伯顏爲樞密副使 案本傳作
同知樞密院事

五月以同知樞密院事合荅爲平章政事 案此乃淮西行
省平章凡行省官與中書有別紀或書行省或不書非例
也

改宣徽院爲光祿司 案司疑當作寺

六月徙謙州甲匠於松山 案松山當作松州

十一月以忻都及前左壁總帥史樞並爲高麗金州等處經
略使 案史樞傳金州作鳳州紀八年亦稱高麗鳳州經
略司忻都

十二月命陝西等路宣撫使趙良弼爲祕書監充國信使使
日本 案本傳七年前已陞參議陝西省事紀稱宣撫使

疑誤

八年正月設樞密院斷事官 案百官志樞密院斷事官至元元年始置八年增二員此設字當是增字之誤

北京益都饑 案五行志北京作西京紀二月亦書賑西京饑此誤

二月移陝蜀行中書省于興元 案二年閏五月已書移秦蜀行省于興元

三月命設國子學增置司業博士助教各一員 案此乃蒙古國子學百官志云至元八年置官五員與此不合六年七月未審亦即此學否

九月益都府濟州進芝二本 案地理志濟州隸濟寧路此云益都府濟州誤

九年正月新安州初隸雄州詔為縣入順天 案地理志保定路新安州當作新安鎮

改北京中興四川河南四路行尚書省為行中書省 案中興元初為江陵府至元十二年陞路天曆二年改中興此不當稱中興路

移鳳州屯田于鹽白二州 案州疑當作井

二月復唐州祕陽縣 案地理志祕當作泌

八月立羣牧所 案已書於中統元年十二月此疑複然百

官志太僕寺下又云中統四年設羣牧所何也

元史本證一

光緒十五年徐氏鑄學齋重刊

上虞王士濟校

紹興先正遺書甲集之四

元史本證卷二

證誤二

蕭山汪輝祖 男繼培補

世祖紀五

十年五月以雄易州復隸大都 案地理志雄易是二州

六月陞拱衛直爲都指揮司 案九年十二月已書陞拱衛

司爲拱衛直都指揮使司此複

八月鳳翔寶雞縣劉鐵妻一產三男 案五行志一作劉鐵牛

十月陞襄陽府爲路 案地理志至元十年更襄陽府爲散府十一年改襄陽爲總管府

本證二 證誤二

會稽徐氏重校

本證二
十一
十一年十二月總管史塔刺渾等 案卽史弼本傳時已陞副萬戶

十二年正月遣左衛指揮副使鄭溫 案本傳作右衛

以蠻夷未附者尙多命宣慰司兼行元帥府事並聽行省節度置郡縣尹長選廉能者任之 案賽典赤贍思丁傳十二年奏雲南諸夷未附者尙多今擬宣慰司兼行元帥府事並聽行省節制又奏哈刺章雲南壤地均也而州縣皆以萬戶千戶主之宜改置令長並從之是置尹長專爲哈刺章也此失書地

二月以中書右丞博魯歡爲淮南都元帥 案卽博羅歡本

傳淮南作淮東

中書右丞阿里左右副都元帥 案右字衍十三年稱淮東左副都元帥

七月以伯顏爲中書右丞相阿木爲中書左丞相 案此乃

河南行省

十一月改順天府爲保定府 案地理志府俱當作路

十二月改諸站提領司爲通政院 案百官志提領司當作都統領使司事在十三年紀十三年正月亦書改都統領司爲通政院此疑衍

割江東南康路隸江西省 案地理志南康陞路在至元十

四年至二十二年割隸江西紀於二十二年正月亦書分江浙行省所治南康隸江西行省則此文當屬誤衍

省重慶路隆化縣入南川 案地理志重慶為路在十六年此不得稱路

省灤州海山縣入昌黎縣 案地理志昌黎在永平路灤州疑當作平灤路

世祖紀六

十三年正月宋主遣其保康承宣使尹甫和州防禦使吉甫等 案尹甫吉甫上俱脫趙字

二月右丞相命吳堅文天祥同行 案右丞相當作伯顏

帝既平宋召宋諸將問曰至則似道之輕汝也固宜 案語詳董文忠傳此當刪

四月開元路民饑 案開元不當稱路證見前

以北京行中書省廉希憲為中書右丞行中書省事于荆南府 案宋之荆南元為江陵十二年五月已書詔中書右丞廉希憲行中書省于江陵府此復其稱江陵為荆南亦誤

六月義榮遙授建寧路同知 案地理志建寧軍陞路在二十六年此稱路誤

七月陞閬州為保寧府 案地理志保寧府由東川路元帥

府陞非由閬州也

以中書右丞阿里海牙爲平章政事至陳巖並參知政事
案此乃淮東行省

八月以四萬戶總管奧魯赤參知政事 案本傳是行省

十一月丁卯太陰犯填星 案以上癸卯下庚申證之丁當
作乙

十二月辛卯朔 案當作辛酉

改雲南蘿蔔甸爲元江府路 案地理志乃遙立也

十四年二月西川行院不花率衆數萬至重慶營浮屠關造
梯衝將攻之其夜都統趙安以城降張珏艤船江中與其

妻妾順流走涪州元帥張德潤以舟師邀之珏遂降 案
是年八月朔詔不花行院西川則二月未嘗至西川也繼
培案汪良臣傳云十三年宋安撫張珏遣將乘虛襲据瀘
州良臣還軍平之復攻重慶十五年春張珏悉衆鏖戰良
臣奮擊大破之珏所部趙安開門納降珏潛遁也速答兒
傳云張珏遁追至涪州擒之是珏敗在十五年亦非出降
也

四月宋特磨道將軍農士貴來附 案十二年二月已書宋
福州團練使知特摩道事農士貴詣雲南行中書省請降
此疑複

七月以參知政事行江東道宣慰使呂文煥爲中書左丞
案此乃行省

十月以行省參政忽都帖木兒脫博忽魯禿花崔斌並爲中
書左丞鄂州總管府達魯花赤張鼎湖北道宣慰使賈居
貞並參知政事 案此並行省蓋湖廣官也

世祖紀七

十五年二月命平章政事阿塔海阿里 案此乃淮南行省
復立河中府萬全縣 案地理志當作萬泉

改華亭縣爲松江府 案地理志縣當作府

以參知政事夏貴至史弼並參知政事 案此乃淮南行省

四月立行中書省于建康府 案地理志十四年陞建康路
此稱府誤

中書左丞崔斌 案此乃行省

六月陞濟南府爲濟南路 案地理志濟南路宋爲濟南府

元初改濟南路總管府非至元十五年陞也惟濟寧府至
元十六年陞爲路志紀紀十六年新刊本亦誤濟南並同此蓋誤寧爲

南又誤先一年耳

達實都收括中興等路闕遺 案文宗紀天曆二年改江陵
曰中興世祖時不得有此稱

七月以右丞塔出呂師夔行中書省於贛州 案師夔官左

承見十七年此失書

八月制封泉州神女號護國明著靈惠協正善慶顯濟天妃
攷異云案本紀至元二十五年六月詔加封南海明著
天妃爲廣祐明著天妃大德三年三月加封泉州海神曰
護國庇民明著天妃天歷二年十月加封天妃爲護國庇
明廣濟福惠明著天妃至正十四年十月加封海神爲護
國輔聖庇民廣濟福惠明著天妃此天妃封號由二字加
至十二字之次第也此所載封號十二字蓋非元制也以
二十五年加封四字推之則至元初封止有明著二字紀
殆誤矣

以中書左丞董文炳僉書樞密院事參知政事唆都蒲壽庚
並爲中書左丞 案此乃福州行省

九月省東西川行樞密院其成都潼川重慶利州四處皆設
宣慰司 案百官志罷兩川行院在至元十六年其分川
蜀爲四道並立宣慰司紀亦詳書於十六年此疑誤利州
十六年稱廣元攷地理志利州於十四年改廣元路則此
稱利州亦誤

十一月餘官屬畱荆南府 案荆南府當作江陵路
行中書省自揚州移治杭州 攷異云案至元二十一年始
徙江淮行省于杭州不應此時卽有移治之事邵晉涵曰

攷地理志揚州杭州兩路俱不載至元十五年移行省事
惟集慶路云至元十四年初立御史臺於揚州既而徙杭
州又徙江州又還杭州二十三年自杭州徙治建康然則
本紀所云十五年自揚州徙治杭州乃行御史臺非行中
書省蓋傳寫誤爾

十二月開城路置屯田總管府廣安縣隸之 案地理志廣

安縣十五年陞爲州

十六年正月思州田師賢 案十二年有思州安撫田景賢

未審是一人否

二月陞溧州爲路 案地理志溧州當作溧陽州

平章阿里伯 案爲江淮行省

敕揚州湖南贛州泉州四省 案是年正月移贛州行省還

隆興此仍稱贛州誤

七月罷西川行省 案此疑亦罷兩川行院之誤證詳前

九月杭蘇嘉興三路 案地理志蘇州當稱平江

十一月趙炳言陝西運司郭同知 案同知名琮見炳傳

十二月復置萬泉縣隸河中府 案已書於十五年二月

改京兆爲安西路 案十五年七月已書改京兆府爲安西

府則此當是改安西府爲安西路也

世祖紀八

十七年正月磁州永平縣水 案地理志永平當是廣平路
永年之誤

七月改德慶路爲總管府 案路當作府

六月西安王薨罷其王相府 案西安當作安西卽忙哥刺
也趙炳傳云炳官安西王相府十五年十一月王薨十六
年秋被召入見便殿因言王薨之後郭琮等竊弄威柄令
乘傳往按琮等至則琮假王旨入炳罪十七年三月毒炳
于平涼獄中是王非薨于十七年也紀因是年罷王相府
而并書王薨誤矣

七月立行省于京兆 案京兆當稱安西

八月改蒙古侍衛總管府爲蒙古侍衛親軍都指揮使司

案百官志至元十八年以蒙古侍衛總管府依五衛例爲
指揮使司大德七年奏改爲蒙古侍衛親軍都指揮使此
誤合爲一紀在十七年而志云十八年當是志誤

十月賜雲南王忽哥赤印 案忽哥赤已于八年爲寶合丁
等毒殺此乃賜忽哥赤子也先帖木兒諸王表雲南王位
也先帖木兒至元十七年襲封可證繼培案張立道傳至
元十七年入朝請以雲南王子也先帖木兒襲王爵亦一
證也

十二月以高麗國王王暗爲中書右丞相 案此亦行省紀

前後文及傳俱稱左丞相此又誤作右丞相

左丞相阿朮巡歷西邊至別十八里以疾卒 繼培案本傳

云二十三年受命北伐明年凱還繼又西征至哈刺霍州
以疾卒不知紀何以誤入於此

改拱衛司為都指揮司 案已書于九年十年此再復

立太倉提舉司 案十五年五月已改太倉為御廩此仍稱

太倉誤

改建寧為路 案已書于十六年十二月

五月賑瓜沙州饑 案地理志瓜沙是二州

六月以順慶路隸四川東道宣慰司 案已書于十六年正

月

九月大都新安縣民復和顧和買 案地理志新安縣隸保

定路豈後改隸抑此誤耶

十二月松山縣旱 案地理志松山縣已於至元二年省入

松州此誤

高唐夏津武城等縣 案地理志高唐已於至元七年陞州

元史本證二

光緒十五年 徐氏鑄學齋重刊

上虞王士濟校

會稽徐氏重刊

元史本證卷三

證誤三

蕭山汪輝祖 男繼培補

世祖紀九

十九年正月諸王札刺忽至自軍中時皇子北平王以軍鎮
阿里麻里之地以禦海都諸王昔里吉與脫脫木兒篋木
忽兒撒里蠻等謀劫皇子北平王以叛欲與札刺忽結援
於海都海都不從撒里蠻悔過執昔里吉等北平王遣札
刺忽以聞 繼培案十四年七月已書諸王昔里吉劫北
平王脅諸王以叛通好于海都海都弗納詔伯顏往禦之
伯顏傳十四年昔里吉叛伯顏往討之遇于斡魯歡河破

本證三 證誤三

會稽徐氏重棊

之昔里吉走死是昔里吉十四年即死矣乃土土哈傳脫
脫木即脫脫木兒失烈吉即昔里吉叛在十四年與紀及伯顏傳同
而十五年又有追失烈吉踰金山之文是非死于十四年
也忽都傳云十三年失列吉約木忽兒即斡木忽兒叛十四年
失列吉軍亂脫走是走于十四年而叛則在十三年也李
庭傳云十三年昔里吉脫脫木兒反庭襲擊生獲之啟皇
子只必帖木兒賜之死劉哈刺八都魯傳云十三年昔里
吉叛擊破擒之獻俘行宮是叛于十三年即被擒誅非走
死于十四年後也劉國傑傳云十六年脫脫木反殘暴失
眾眾殺之來降是脫脫木兒非死于十三年亦非生獲賜

死也田忠良傳十二年昔里吉劫皇子以入海都是昔里
吉之叛且始于十二年而海都亦未嘗不納今紀又云十
九年叛被執不惟與十四年紀不合亦與各傳歧互史文
何不檢至此

二月賜諸王塔刺海籍沒五十戶 案已書于十八年十二
月

陞軍器監秩三品 案已書于十八年三月

改上都宣課提領為宣課提舉司 案百官志一戶部大都
宣課提舉司至元十九年併大都舊城兩稅務為大都稅
課提舉司疑即此事而誤書之也

五月罷江南財賦總管府 案已書于十七年七月

七月立行樞密院於揚州鄂州 案百官志鄂當作岳

立馬湖路總管府 案已書于十二年十二月

九月宣德州 案宣德已于中統四年陞府

十月罷利州及順慶府宣慰司 案利州當稱廣元路證詳

十五年

十一月以興國軍復隸隆興省 案地理志軍當作路

十二月中書左丞張文謙爲樞密副使 案本傳至元元年

以中書左丞行省西夏中興等路七年拜大司農遷御史

中丞授昭文館大學士領太史院十九年拜樞密副使是

樞密由學士遷也紀十九年以前不書文謙爲左丞宰相

表十九年左丞有張阿亦伯當卽文謙小名

以其地與西川行省接 案西川當作四川

二十年二月陞闕遺監秩正五品 案監當作所改所爲監

在二十五年

三月罷京兆行省 案京兆當作安西

以湖南宣慰使張鼎新行省參知政事樊楫等嘗阿附阿里

海牙敕罷之 案楫傳二十四年方爲行省參政此當是

官同知湖南宣慰使時事

三月罷京兆行省 案京兆當作安西

五月減隆興府管鹽官吏以其事隸隆興府 案卽地理志興和路也府俱當作路

十二月雲南施州子童興兵爲亂 案地理志施州已于至元十七年改北勝州此誤仍舊稱

世祖紀十

二十一年三月皇子北平王南木合至自北邊 案田忠良

傳昔里吉劫皇子北平王以入海都帝令忠良祀神致禱

忠良曰無事于神皇子未年當歸後果然攷至元二十年

歲在癸未則北平王之歸當在二十年石天麟傳云憲宗

六年使海都被畱二十八年與北安王北平王同歸計其

年亦正在癸未又一證也

七月立衍福司 案二十二年二月爲皇孫阿難荅立衍福司此疑誤衍

賜皇子北安王印 案閏五月己書賜北安王螭紐金印

十一月溫迪罕皆罷 案名禿魯歡證詳宰相表

二十二年二月隸西川行省 案西川當作四川

合刺赤阿速阿塔赤昔寶赤貴由赤等嘗從征者亦皆賜之以民八十戶 繼培案食貨志賜在二十一年

五月立汴梁宣慰司 案汴梁卽南京二十年十一月己書立南京宣慰司此復据志改南京爲汴梁在二十五年此

稱汴梁亦誤

勅朶兒只招集甘沙速等州流徙饑民 案速當作肅

徙行樞密院于建康 案此乃江淮行樞密院也二十一年

正月立江淮行樞密院治建康並未移治何云徙耶

十月立征東行省 案已書于二十年四月

十二月敕減天下罪囚 案十二月下脫干支

中書省臣奏納速丁言減合刺章宥官 繼培案卽納速刺

丁本傳在二十一年

世祖紀十一

二十三年正月陞隆興武寧縣爲寧州 案地理志二十一

年改隆興府爲龍興此誤仍舊稱

二月遣使諭皇子也先鐵木兒 案當作皇孫

期以八月會欽廉州 案地理志欽廉是一州

五月徙江東按察司于宣州 案地理志宣州當稱寧國路

七月罷遼陽等處行中書省 案地理志二十五年改東京

爲遼陽路此時不得稱遼陽

都忽魯皆別議 案當作忽都魯

八月以黃蘄壽昌隸湖廣行省 案地理志壽昌當稱安豐

十月以南康路隸江西行省 案已書於二十二年正月

十二月置燕南河東山東三道宣慰司 案是年四月中書

本登三 證誤三

五

會稽徐氏重采

省請立燕南河東山東宣慰司有旨如所請蓋請在四月而立

而立在十二月然亦重出矣

二十四年正月以參政程鵬飛爲中書右丞阿里爲中書左丞

案此乃湖廣行省

立上林署秩從七品

案七年已書設上林署此疑複

百官志六

亦云二十

四年置

六月詔范文虎將衛軍五百鎮平灤以欽察爲親軍都指揮使也速帶兒右衛僉事王通副之

繼培案爲蓋衛字之

誤也速帶兒卽康里也速解兒爲欽察親軍指揮使有傳

此欽察非人名也右衛通傳作左衛

發諸衛軍萬人蒙古軍千人戍豪懿州云云欲劫取豪懿州

案下文但云趣懿州此二豪字疑衍證詳下

北京饑免絲銀租稅

案五月已書矣北京今歲絲銀

七月移北京道按察司置豪州

案文義置當作治但地理

志懿州至元六年爲東京支郡所領豪州及同昌靈山二

縣省入順安縣入本州則豪州之名久廢疑是移北京按

察司治懿州不當云治豪州也然是年十月稱豪懿東京

等處二十五年亦屢見是豪州似于此時復置特與移按

察司文不相接耳

十月詔立遼陽等處行尙書省

案遼陽當作東京

十二月陞萬億庫官秩四品 案百官志一當作陞都提舉
萬億庫秩正四品上都留守司所屬亦有萬億庫與此異
世祖紀十二

二十五年正月以蕪黃二州壽昌軍隸湖廣省 案已書于
二十三年八月

杭蘇二州連歲大水 案地理志蘇州當作平江

二月江南湖北道提刑按察司入荆南 案荆南當作江陵

四月今杭蘇湖秀四州復大水 案地理志秀州當作嘉興
蘇州誤見前且係四路不當稱州也

五月以北勝施州爲北勝府 案地理志施字衍

六月儀鳳寺 案寺當作司

罷教坊司入拱衛司 案十六年十一月已書併教坊司入

拱衛司此復百官志云十七年改提點教坊司隸宣徽院

二十五年隸禮部則此當云改提點教坊司隸禮部也

二十六年正月復立光祿寺 案百官志三光祿寺至元二

十五年撥隸省部三十一年復隸宣徽紀並二十六年不

當有復立之事

五月瀾西提刑按察司徒蘇州 案蘇州當作平江

七月右丞李庭等北征 案本傳作左丞

閏十月瀾西宣慰使史弼請討瀾東賊以爲瀾東道宣慰使

案本傳二十六年由浙西宣慰使改淮東宣慰使二十七年行浙東宣慰使平處州盜此誤併一年

十一月罷平州望都榛子二驛 案平州疑卽平灤後改永平路

世祖紀十三

二十七年正月改西南番總管府爲永寧路 案已書于二十五年六月

二月乙酉泉州地震 案是月癸未已書泉州地震豈再震耶

八月南安贛建昌豐州 案豐州當作南豐州

十二月以衛尉院爲太僕寺 案已書于二十四年十一月百官志六同此誤複

二十八年三月以甘肅行省右丞崔彧爲中書右丞 案彧傳二十八年由中書右丞遷御史中丞宰相表右丞崔二十五年至二十七年與傳合此誤

四月併總制院入宣政院 案已書于二十五年十二月遣脫脫塔刺海忽辛三人 案忽辛姓張見十月

六月以漣海二州隸山東宣慰司 案海州當是寧海州詳地理志證遺

七月罷淘金提舉司 案已書于正月

八月罷大都甲匠總管府 案二十六年四月改大都路甲匠總管府爲軍器人匠都管府此誤仍舊稱

九月詔福建行省案間 案是年二月改福建行省爲宣慰司隸江西行省此復稱福建行省誤

罷雲南四州立東川府 案地理志府當作路

十月以前緬中行尙書平章政事雪雪的斤爲中書省平章政事 案仍緬中行省也改尙書爲中書耳

罷各處行樞密院事入行省 案二十九年有行樞密官明安荅兒統陝西四川兵分贛州行院官一員鎮韶州江西行院官月的迷失三十一年有行樞密院月的迷失程鵬

飛此云罷似未確

十一月復置會同館 案二十九年正月方書罷四寶庫復會同館百官志同此誤先一年

御史言沙不丁納速刺丁滅里烏里兒 案烏里兒當作烏馬兒

十二月改江淮行省爲江浙等處行中書省治杭州 案二十六年二月已書江淮省治杭州此時特改江淮爲江浙非始移杭州也

世祖紀十四

二十九年二月給輝州龍山里州和中等縣饑 繼培案地

理志輝州

中書省

無龍山縣里州

雲南省

無和中縣里州疑是

利州和中疑是和衆與龍山並屬大寧路

鄧州舊軍萬戶史弼福建行省右丞高興並爲福建行中書

省平章政事 案弼傳未嘗爲鄧州萬戶其爲平章乃由

浙東宣慰使遷紀疑誤

三月以威寧昌等州民饑給鈔 案五行志作威寧昌州饑

昌州與威寧俱隸隆興威寧正是威寧之誤紀於昌下又

衍等字

且命奚不辭與思播州同隸湖廣 案奚不辭上脫亦字思

播是二州且播州已於二十六年改播南路不得仍稱州

也

閏六月以東安海寧改隸淮安路 案地理志東安當作安

東

三十年二月分贛州行院官一員鎮韶州 案二十七年已

降韶州爲曲江縣此不當仍稱韶州

四月罷徽州錄事司 案已書于二十九年七月

十二月平章政事亦黑迷失史弼高興等無功而還各杖而

恥之仍沒其家貲三之一 案高興傳詔治縱瓜哇者弼

與亦黑迷失皆獲罪與獨以不預議且功多賜金五十兩

此與亦黑迷失史弼並書疑誤

三十一年四月甲辰請謚於南郊 案成宗紀在庚子

元史本證三

光緒十五年 徐氏鑄學齋重刊

上虞王士濟校

紹興先正遺書甲集之四

元史本證卷四

證誤四

蕭山汪輝祖 男繼培補

成宗紀一

至元三十年乙巳受皇太子寶 案乙巳上失書六月見世

祖紀

三十一年五月密州路諸城縣 案地理志密州隸益都路
不當稱路

六月立晉王內史府 案已書於世祖紀三十年四月

封駙馬闊里吉思為唐王 案本傳及諸王表當作高唐王

元貞元年五月中書左丞何榮祖 案宰相表當作右丞

本證四 證誤四

會稽徐氏重校

成宗紀二

二年五月野蠶成繭 案五行志成繭在隨州此失書地
濟寧之濟州螟 案志在濟州任城縣

大德元年二月陞寧都會昌縣為州並隸贛州路 案元貞
元年十一月陞贛州路之寧都會昌二縣為州則二縣本
隸贛州非由陞州而隸也此複而誤

以行徽政院副使王慶端為中書右丞 案宰相表不載以
本傳證之蓋加官也右丞傳作左丞紀二年亦作左此誤
三月立江淮等處財賦總管府及提舉司 案立總管府已
書于至元二十六年此乃立提舉司也及字誤衍

五月饒州鄱陽樂平及隆興路水 案五行志作龍興南康

澧州南雄饒州五郡水据地理志隆興當作龍興

七月懷州武陟縣旱 案地理志懷州當作懷孟路

八月淮安寧海州旱 案五行志當作海寧州

閏十二月參議中書省事于章 案武宗紀大德十一年有
參知政事于璋宰相表同此作章疑誤

二年正月改為碣門魚通黎雅長沙西寧遠軍民宣撫司
案沙當作河

二月改泉州為泉寧府 案元年二月已書陞全州為全寧
府此複又誤全為泉

五月湖廣左丞入都馬辛爲中書右丞 案元年三月以江西左丞入都馬辛爲中書右丞宰相表元年四月至二年六月爲右丞中間無改除湖廣之事此湖廣當是中書之誤

南輝順德旱 案南當作衛

七月賜諸王亦憐眞等金銀鈔 案元年正月諸王亦憐眞來朝薨于道此誤或賜其所部人也

十一月以中書左丞王慶端爲平章政事 案本傳乃加官十二月江浙行省平章政事荅刺罕陞左丞相 案荅刺罕卽哈刺哈孫之號本傳大德二年由湖廣平章政事入朝

拜江浙行省左丞相然則紀江浙當作湖廣左丞相上當書江浙也

成宗紀三

三年二月置四川福建宣慰司都元帥府 案二年二月已書徙重慶宣慰司都元帥于成都立軍民宣慰司都元帥府于福建此疑複

五月復征東行中書省以福建平海省平章政事闊里吉思爲平章政事 案本傳大德二年改福建行省平章未幾以福建隸江浙改福建道宣慰使都元帥陞征東省平章政事非由福建平海平章遷也

八月大同宣德等路雨霽 案宣德不當稱路

四年閏八月以中書右丞賀仁傑爲平章政事 案以本傳

證之右丞平章皆加官也傳稱九年拜平章而紀在四年

亦未審孰是

五年七月諸王也滅干薨以其子八八刺嗣 案宗室表開

列堅太子位八八刺爲也滅干之兄與此大異且此已書

也滅干薨而六年七月又云賜諸王八八刺脫脫灰也滅

干鈔更不可解

九月乙酉自八月庚辰彗出井 案上有丙辰此乙酉當作

乙卯

十月丙辰朔 案上有丙辰此當作丙寅

癸未太陰犯東井壬午車駕還大都 攷異云壬午當在癸

未前

十一月省泌縣入唐州 案地理志泌縣當作泌陽縣

成宗紀四

七年三月詔徙廉訪司於甘州 案此當是河西隴北道肅

政廉訪司失書地

五月立和林宣慰司都元帥府 案已書于二年五月

九月復木八刺沙平章政事 案紀是年二月以木八刺沙

爲中書平章政事中間無遷罷之事宰相表平章注三月

至十二月可證此書復疑誤

十月設刑部獄吏一員以掌囚徒 案百官志是年置司獄一員獄丞一員獄典一員

八年二月併隴干縣入德順州 案地理志當作改隴干縣為靜寧州

賜平章政事王慶端玉帶半俸終身 案本傳平章乃加官三月雲南黎州盜劫也連帶而家屬貲產 案地理志雲南無黎州疑是黎溪州之誤

陞分寧縣為寧州 案地理志至元二十三年於武寧縣置寧州大德八年徙州治于分寧非陞分寧為寧州也

五月隆興之天城 案地理志作天成

六月烏撒烏蒙益州忙部東川等路饑疫 案益州疑當作霑益州或益良州

八月 案八月下脫干支

九年七月陞拱衛司正三品 案已書于元貞元年二月賜興聖太后 攷異云興聖太后即武宗仁宗母也此時不當有太后之稱

及宿衛臣出居懷州 案當稱懷孟路

賜威遠王岳木忽而鈔萬錠 案當作威定王

參知政事合刺蠻子為右丞 案以上下文例之參政疑當

爲左丞

十月丁丑朔 攷異云當作甲戌朔

十年六月封駙馬脫鐵木而爲濮陽郡王賜以金印公主忙

哥台爲鄆國大長公主 案公主表鄆國大長公主忙哥

台適寧濮郡王昌吉鄆國大長公主桑哥不刺適昌吉弟

濮陽郡王脫脫木而即脫鐵木而此以鄆國爲鄆國又繫忙哥

台于脫鐵木而之後皆誤

七月道州之武昌永州之興國 案地理志道州武昌永州

興國皆路也此二之字衍

十一年九月乙丑諡曰欽明廣孝皇帝廟號成宗 案武宗

紀乙丑乃請諡南郊其上尊諡廟號則在壬申

武宗紀一

大德十一年五月請以羅羅斯宣慰使幹羅思任之中書詔

以爲中書右丞 案本傳作左丞相表同

六月進封高麗王王哱爲瀋陽王 案高麗傳哱自大德二

年復位八年薨子諫復襲王位十一年進爵瀋陽王是進

封者諫也非哱也

置皇太子家令司 案百官志置當作復立

府正司 案百官志置當作復爲

典寶署 案百官志署當作監

本證四 證誤四 會稽徐氏重校

七月平章政事鐵木迭兒爲江西行省平章政事 案平章政事本傳不載當是加官

七月庚辰 案上已書七月此衍

以江浙行省左丞郝天挺爲中書左丞 案本傳及宰相表並作右丞此誤

御史大夫月兒魯 攷異云玉昔帖木兒世祖時爲御史大夫賜號月呂魯那顏亦作月兒魯以元貞元年卒此又有御史大夫月兒魯不知何人恐誤

八月辛亥中書右丞孛羅鐵木兒以國字譯孝經進 案右當作左至戊午始爲右丞

十二月陞皇太子典醫署爲典醫監 案百官志典醫署當作掌醫署

至大元年正月以中書右丞也罕的斤爲平章政事議陝西省事 案此右丞當是行省

脫脫復入御史臺 案脫脫去歲八月以御史大夫封秦國公未知何時出臺紀不書改官而書復入疎矣

二月右丞相脫脫 案脫脫以去歲六月遙授左丞相是年六月亦稱左丞相此作右誤

命有司市邸舍一區以賜丞相赤因鐵木兒 案宰相表至大元年平章赤因帖木兒閏十一月至十二月此于三月

稱丞相蓋加官也

三月賜定王藥木忽兒金千五百兩 案當稱威定王六月方封定王

四月陞典瑞監爲典瑞院秩從二品 案已書于大德十一年十月

七月復置泰安州之新泰縣 案已書于至元三十一年七月

以太保乞台普濟爲中書左丞相 案宰相表至大元年左丞相乞台普濟二月至十一月是七月以前乞台普濟已在中書紀五月亦有加左丞相乞台普濟太子太傅之文

此又書爲左丞相蓋誤五月加太傅而此稱太保亦誤

九月以高麗國王王章嗣高麗王 案諸王表章當作璋

十月立興聖宮掌醫監 案百官志由掌醫署陞監非立也

十一月四川甘州應昌府雲南 案地理志應昌當稱路

武宗紀二

二年三月高麗國王王章 案章當作璋

陞掌醫署爲典醫監 案已書于大德十一年十二月

四月東平東倉等處蝗 案地理志東倉當作東昌

七月復置贛州龍南安遠二縣 案地理志二縣屬寧都州贛州當作贛州路

八月沙瓜州摘軍屯田 案地理志沙瓜是二州

立皇太子右衛率府秩正三品命尚書右丞相脫虎脫御史

大夫不里牙敦並領右衛率府事 案百官志右衛當作

左衛紀於十月書以翰林學士承旨不里牙敦爲御史大

夫而八月卽稱大夫亦誤

九月賜高唐王注安金五千兩 案是年二月駙馬注安封

趙王此稱高唐王誤

十月中書參知政事伯都爲平章政事 案曲樞傳及宰相

表平章政事當作右丞

以行中書右丞商議中書省事忽都不丁爲右丞 案右丞

當作左丞宰相表在三年正月蓋命下于二年入省在三年也紀旣誤以伯都爲平章故于此亦誤爲右丞

十二月上太祖聖武皇帝尊諡廟號及光獻皇后尊諡又上

睿宗景襄皇帝尊諡廟號及莊聖尊諡 案紀傳太祖睿

宗尊諡廟號光獻皇后莊聖皇后尊諡至元時已定此時

乃加諡太祖法天啟運聖武廟號太祖皇后光獻翼聖睿

宗皇后顯懿莊聖耳

三年正月詔令知樞密院事大都僉院合剌合孫復職 案

二年十月以大都知樞密院事此書復職則十一二月曾

罷黜矣當有脫誤

二月樂實爲尙書左丞相 案宰相表樂實爲尙書平章政
事不載左丞相攷異云蓋遙授之官紀誤脫遙授二字
四月賜高麗國王王章功臣號 案章當作璋
提舉司二分治大都 案百官志管領怯憐口諸色民匠總
管府屬大都上都提舉司各一此大都下脫上都二字
瑞州等路營民都提舉司 案民疑當作田
六月以行中書左丞忽都不丁爲中書右丞 案行字衍宰
相表忽都不丁左丞正月至六月右丞七月至十一月可
證
別都魯思云雲州朝河等處產銀 案朝當作潮見世祖紀

中統二年

安吉王乞台普濟 案乞台普濟封安吉王在仁宗皇慶二
年此不應先稱

四年五月乙未上尊諡曰仁惠宣孝皇帝廟號武宗是日請
諡南郊 案請諡當在上諡號之前仁宗紀請諡上尊諡
在六月甲子

元史本證四

光緒十五年 徐氏鑄學齋重刊

上虞王士濟校

會稽徐氏重刊

本證四

證誤四

十

紹興先正遺書甲集之四

元史本證卷五

證誤五

蕭山汪輝祖 男繼培補

仁宗紀一

大德九年詔帝與太后出居懷州 案懷州當稱懷孟路

至大四年正月壬子日赤如赭 案五行志當作壬辰是月

癸酉朔無壬子

三月平章政事李道復 案道復乃李孟字紀前後俱書名

此稱字誤

六月太尉不花 案不花進太尉在九月此不得先稱

衛王阿木哥 案宗室諸王表順宗傳俱作魏王此與皇慶

本證五 證誤五

會稽徐氏重校

二年延祐二年三年五年俱作衛未審孰是

十月以蘄縣萬戶府鎮慶元 案蘄當作鄞

皇慶元年二月賜世祖諸王子也先鐵木兒福州路福安縣
案也先帖木兒爲世祖子雲南王忽哥赤之子非世祖
皇子也以下文例之蓋脫忽哥赤之子五字

三月安王完澤 案當作衛安王

四月趙王汝安郡 案當作趙王注安部

大崇恩福元寺成置隆禧院 案武宗紀至大三年十一月
改大崇恩福元寺規運總管府爲隆禧院此複

五月陞回回司天臺秩正四品 案百官志司天臺是年改

爲監此失書

二年二月丙申 攷證云案上二月壬戌以日攷之則丙申
當在三月文無三月疑脫

六月以參知政事許思敬綱領國子學 案思當作師

給馬萬疋與幽王南忽里等軍士之貧乏者 案諸王表幽

王喃忽里延祐七年襲封皇慶時不得稱幽王延祐二年

六月三年十月四年正月五年九月誤同

七月安遠王亦思丹等 繼培案至大四年六月封亦思丹

爲懷仁郡王安遠王則丑漢也此誤

十月壬寅 攷證云案八月戊午朔以甲子攷之壬寅當是

十一月原文無月疑脫

仁宗紀二

延祐元年廢眞陽含光二縣入英德州 案世祖紀至元二

十七年七月併廣東道眞陽治光二縣爲英德州此疑複

治含亦未知孰是證詳地理志五

二年七月潭州金州永州路 案金疑當作全

三年四月賜安遠王醜漢金各五百兩 案金下當脫銀字

或醜漢下有等字

六月封床兀兒爲句容郡王 案已書於武宗紀至大二年

正月

遼陽之蓋州饑並發糧賑之 案已書于四月

八月置織佛像工匠提調所 案百官志提調當作提領

十一月澧州路安撫司 案地理志當作澧州路總管府

仁宗紀三

四年十二月家令府 案百官志府當作司志又云至元三

十一年改內宰司泰定元年復以內宰司爲家令司則是

年當稱內宰司也

五年二月陞內史府秩正一品 案府當作院已書於至大

元年八月

四月海漕糧十萬石于義錦州 案地理志義錦是二州

本證五 證誤五

三 會稽徐氏重榮

以千奴史弼並爲中書平章政事 案和尚傳子千奴武宗
卽位拜平章政事商議樞密院事延祐五年致仕紀疑誤
史弼傳拜平章之年亦與紀異然傳文多誤弗敢據也
千奴傳疑是加官宰相表亦無二人名

五月以御史中丞亦列赤爲中書右丞相 案下文作右丞
宰相表同此相字衍

七月烏蒙等處屯田置總管萬戶府秩正三品給銀印 案
屯田府官品已書于三年十月此時但給印耳

十月以太寧路隸遼陽省 案已書于四年四月
六年六月恭安高唐濮州淮安諸處大水 案恭疑當作泰

七月以者連怯耶兒萬戶府軍人隸東宮置右衛率府 案
已書于五年二月志百官二兵三並在五年者連怯耶兒
作速怯那兒

增置上都巡警院 案地理志當作警巡院
十一月增京畿漕運司同知副使各一員 案百官志又有
運判一員

英宗紀一
延祐七年二月辛丑太陰犯軒轅御女 案五行志作辛酉
以上已未下壬戌證之則此誤也

六月罷徽政院 案百官志五當作罷詹事院
在儲政院下

本證五 證誤五 四 會稽徐氏重栞

改紅城中都威衛爲忠翊侍衛親軍都指揮使司隸樞密院
案百官志延祐元年改中都威衛使司仍隸徽政院尋
復改屬樞密院至治元年改爲忠翊侍衛此併書于延祐
七年誤

罷宮正司 案百官志當作府正司

九月常澧州洞蠻 案當云常德路澧州

至治元年二月汴梁歸德饑 案二月下脫于支

五月作行殿於縉山流杯池 案仁宗紀延祐三年改縉山
縣爲龍慶州此誤仍舊稱

九月中書平章政事塔失海牙坐受賊杖免 案宰相表注

正月至八月紀在九月當以事結而表則書出省之時也
十月甲午太白經天 案以上辛丑下戊申證之甲當作丙
英宗紀二

二年三月己巳 案上一二月己亥朔此己巳當是三月朔史
失書朔

七月陞靖州爲路 案已書于延祐四年三月
次澤源州 案澤當作渾

十月江南行臺大夫脫脫坐請告未得旨輒去職杖謫雲南
案康里脫脫傳帖赤喉言者劾其擅離職守將徙之雲
南會帖赤伏誅乃解是脫脫實未嘗謫也

十一月罷徽政院 案延祐七年已書罷徽政院後三年又書罷徽政院總管府泰定元年又書罷徽政院立詹事院屢書罷院而無復置之事必有脫誤矣

十二月己丑太白歲星熒惑三星聚于室 案五行志作乙丑以上甲子下丁卯證之則此誤也

紹興路柔遠州洞蠻把者爲寇 案地理志柔遠州隸懷德府蓋因懷德在紹慶府之下一誤再誤也

三年正月罷宣德蔚州奉聖州金銀冶 案蔚州已於至大元年陞蔚昌府

八月諸王按梯不花孛羅月魯不花曲呂不花兀魯思不花

等謀逆

繼培案張珪鐵失傳月魯不花作月魯鐵木兒

泰定帝紀至治三年十二月流諸王月魯鐵木兒于雲南按梯不花于海南曲呂不花于奴兒干孛羅及兀魯思不花于海島並坐與鐵失等逆謀可證此誤

泰定元年二月上尊諡 案泰定帝紀在二月壬申此脫干支

泰定帝紀一

至治三年癸巳卽皇帝位于龍居河 攷異云當書九月癸巳有日無月者史脫文

十一月甲寅諸王怯別遣使來朝 案已書于壬寅

十二月遼陽蒼陽失蠻闊闊部風雹 案蒼陽失蠻陽字疑

衍

泰定元年二月江浙行省左丞趙簡言請開經筵云云復敕

右丞相也先鐵木兒領之 繼培案也先鐵木兒於至治

三年九月為右丞相十月誅于行在未嘗至泰定元年也

攷張珪傳帝始開經筵令左丞相及珪領之宰相表元年

二月左丞相乃倒刺沙此右丞相也先鐵木兒當是左丞

相倒刺沙之誤

三月冊八入罕氏為皇后 案后妃表入不罕 即入皇后宏

吉刺氏此誤以名為氏

四月廉恂罷為集賢大學士食其祿終身 案英宗紀至治

二年十二月平章政事廉恂罷為集賢大學士此時當是

罷集賢大學士也觀四年三月書集賢大學士廉恂復舊

職可證

六月河閒晉寧涇州揚州壽春等路 案地理志涇州不稱

路壽春為安豐路屬縣此與河閒晉寧揚州並稱為路誤

十月己丑命道士修醮事 攷異云是年失書十一月己丑

以後皆十一月事

十一月嘉定路龍興縣饑 案地理志當作龍游

二年二月加嗣漢三十九代天師張嗣成太元輔化體仁應

道大真人 案已書于英宗紀至治元年

參知政事潑皮為右丞 案潑皮于元年四月由嶺北行中

書省左丞為中書左丞相表元年六月至二年二月為

左丞三月為右丞蓋由左丞陞右丞非由參政除也

六月開南府阿只弄哀培蠻兵為寇 案紀四年及地理志

府並作州

七月順德汴梁德安汝寧諸路旱 案地理志德安汝寧當

稱府

十月岑世興及子鐵木兒率眾寇上林等州 案地理志上

林是賓州屬縣非州也

戊申周王和世疎遣使以豹來獻 案上十月戊寅朔此戊

申以下當是十一月史失書月

是歲陝西府雨雹 案以五行志證之府上脫臨洮二字然

是年陝西雨雹又非止一府也

泰定帝紀二

三年正月招諭蠻酋黎平慶等 案二年作黎平愛

三月永平衛輝中山順德諸路饑 案地理志中山府不當

稱路

八月兀伯都刺許師敬並以災變饑歉乞解政柄 案兀伯

都刺為平章政事許師敬為左丞此失書官

龍慶路雨雹一尺 案地理志路當作州

九月鎮江路土官泥囊弟陀金客木帖路土官邱羅 繼培

案二年七月鎮康路土官你囊即泥囊謀粘路土官賽邱羅

即邱羅出降此鎮江當作鎮康謀木同聲粘帖字形相近而

誤

十一月庚子 攷異云前一月辛未朔則庚子乃今月朔日

也史不書朔脫文

丁丑諸王月思別獻文豹 攷異云丁丑後當屬十二月

四年三月命親王入刺失思出鎮察罕腦兒 案已書於元

年三月

六月遣察乃伯顏赴大都銓選 繼培案伯顏當是伯顏察

兒之誤時與察乃同為平章

七月參知政事不花 案宰相表姓馮紀二年作馮亨一人二名

伯顏察兒兀伯都刺以疾乞解政 案伯顏察兒官平章政

事見表兀伯都刺亦官平章紀在至治三年表在泰定元

年兀作鳥此時未知任何職而槩云乞解政疎矣

致和元年四月改封鹽池神曰靈富公 案已書于泰定元

年正月

六月河南安德屯蠖食桑 案五行志安德當作德安

元史本證五

光緒十五年徐氏鑄學齋重刊
上虞王士濟校

紹興先正遺書甲集之四

元史本證卷六

證誤六

蕭山汪輝祖 男繼培補

明宗紀

天曆二年十二月乙巳請上尊諡 攷證云文宗紀作十月

丙申事

文宗紀一

天曆元年九月乙丑立太禧院 攷異云乙丑當作乙亥

十月雲南銀羅甸土官哀贊等來貢方物 案二年二月兩

作銀沙羅甸至順三年作銀沙羅等甸此脫沙字

罷徽政院改立儲慶使司 案百官志當作改詹事院爲儲

本證六 證誤六

會稽徐氏重校

慶使司 在儲政院下

十一月己未 攷異云史不書朔脫文

十二月立內宰司 案百官志當作家令司

文宗紀二

二年正月以陝西行臺大夫阿不海牙為中書平章政事

案至順元年又書以太禧宗禋院使阿不海牙為中書平

章政事則是年當是由西臺入為宗禋院使也

二月吳王木楠子 案木楠子至順元年三月始由濟陽王

徙封吳王此當稱濟陽王

六月次于上都之六十店 案六十下當脫里字下云次上

都之三十里店可證

八月太子詹事丞趙世安並中書參知政事 案宰相表參

政注正月又左丞注十月至十二月紀於元年十二月書

趙世安為參知政事以表證之則二年正月以後出為詹

事丞至八月當由詹事遷左丞非復為參政也

九月海南營繕提點所 案百官志營繕當作規運

立衛候司秩正四品 案已書于泰定四年三月

文宗紀三

至順元年正月封太醫院使野里牙為秦國公 案仁宗皇

慶元年加崇福使也里牙為秦國公即野里牙蓋前為加

銜此實封也

二月命江南陝西河南等處富民輸粟補官至加以師號

案此事又見選舉志凡入粟補官條再見食貨志入粟補官之制條皆六百餘言紀宜節

改萬聖祐國興龍普明龍翔萬壽三提點所 案百官志興龍當作龍興

二月辛卯朔 案上已書二月壬午朔辛卯乃是月之十日也攷異云二月二字當屬上文給糧賑之爲句朔字衍文帝及皇后燕王阿剌忒納荅刺並受佛戒 案是年三月封皇子阿剌忒納荅刺爲燕王此先稱燕王誤

以嘉興路崇德縣民四萬戶所輸租稅供英宗后妃歲賜

案地理志縣當作州

七月開平路雨雹 案五行志作開元路

八月有言蔚州廣靈縣地產銀者 案蔚州當作蔚昌府證詳前

文宗紀四

二年二月樞密院臣言徹里鐵木兒孛羅以正月戊寅敗烏撒蠻兵 案徹當作躍

四月真定武陟縣地震 繼培案地理志武陟屬懷慶路其屬真定路者涉縣也五行志作真定陟縣陟亦涉字之誤

五月又置臨江元江等處宣慰司兼管軍萬戶 案地理志

臨江當作臨安

隸崇禧總管府 案百官志禧當作祥

十月往遼陽懿綿二州 案地理志綿當作錦

文宗紀五

三年二月寇會州路之卜龍村 案地理志州當作川

三月以安陸府賜井王晃火兒不花 繼培案宗室諸王表

當作晃火帖木兒

五月陞尚舍寺爲從三品 案元年五月陞正三品此陞字

疑當作降或三當作二

元統二年正月己酉上尊諡曰聖明元孝皇帝廟號文宗

案順帝紀在元統元年十一月辛亥

三月己酉祔于太廟 攷證云順帝紀作四月己卯

至元六年六月詔除其廟主放燕還之後 至 削去帖古思於

高麗未至月赤察兒害之于中道 案還字至道字四百

餘言皆順帝紀至元六年詔文錯入于此

寧宗紀

八月甲寅 案上已書八月此衍

宣政使闊里吉思爲中書左丞 案宰相表元統元年作右

丞卽是年所除紀誤

至元四年三月辛酉諡曰冲聖嗣孝廟號寧宗四月乙酉祔于太廟 案順帝紀俱在至元三年正月辛亥

順帝紀一

元統二年四月太白晝見壬午亦如之 案天文志太白上當書辛巳

八月中書平章政事阿里海牙罷 案阿里海牙是年正月

由中書平章政事爲河南行省左丞相宰相表同三月爲江浙

行省左丞相此復書罷誤也

十月癸亥太白犯太微上相復犯進賢 案天文志作熒惑犯太微西垣上將太白犯進賢此誤合爲一

至元元年八月以岐陽王完者帖木兒爲御史大夫 攷異云岐陽當作淇陽完者帖木兒乃月赤察兒之孫仍其祖父封號也

順帝紀二

二年三月太陰犯星宿 案天文志作心宿

七月以定住鎮南參議中書省事 案元年十一月已書定住參議中書省事

八月滅湖馬路云云 案地理志當作馬湖路

三年三月詔以完者帖木兒蘇州之田二百頃賜郟王徹徹秃 案蘇州當作平江

是月天雨線 案五行志在彰德

九月辛亥太陰犯軒轅 案天文志作辛酉以上丁未下丙寅證之則此誤也

四年二月龍興路南昌州饑 案地理志州當作縣

六月漳州路南勝縣民李志甫反 案地理志南靖注本南勝改今名志所載俱不及順帝時事則後至元時必無南勝之名矣

八月贈伯顏察兒云云謚忠宣 案納速刺丁傳作忠憲

閏八月太陰犯斗宿 案天文志作犯昴宿

十一月熒惑犯氏宿 案天文志在十一月辛未

順帝紀三

五年五月太白犯昴宿 案天文志作犯畢宿

六年七月散毛洞蠻覃全在叛招降之以為散毛誓厓等處軍民宣撫使 案百官志作安撫司

八月以也先帖木兒為御史大夫 案已書於正月

十一月甲子月食辰星犯東咸 案天文志犯東咸在丙寅辰星犯天罡 案天文志作天江

至正元年四月掠明遠縣 案地理志明當作寧

十月封阿沙不花順寧王 案本傳是追封下昔寶赤寒食順國公當同

十一月己亥太陰犯東井 案天文志作犯東咸

二年六月壬子濟南山崩水湧 案五行志作癸丑夜

七月庚午 攷異云以八月庚子朔推之庚午爲是月朔日

而史失書朔

十二月御史中丞張起巖知經筵事 案本傳知經筵事時

官翰林院承旨尙未拜中丞也此誤

順帝紀四

三年是歲徵遺逸伯顏 案本傳在四年

六年十二月改擬明宗母壽童皇后徽號 案徽號當作尊

諡

順帝紀五

十一年十一月孛星見于胃宿乙卯丙辰亦如之 案天文

志丙辰孛星見于昴宿非胃宿也

十二年二月命寧王牙安沙鎮四川 案十三年作西寧王

三月河南左丞相太不花 案本傳當作河南平章政事其

陞本省左丞相在十四年紀同

四川未附生蠻向亞甲洞主墨得什用出降立盤順府 案

元統二年正月己書四川大盤洞蠻謀谷什用遣男謀者

什用來貢方物卽其地立盤順府十一年四月盤順府土

官墨奴什用降立長官司四巡檢司是立盤順府已久矣

四月翰林學士承旨歐陽元以湖廣行省右丞致仕 案本傳云將行帝復降旨不允是未嘗竟致也

十二月湖廣行省右丞阿兒灰 案當作湖廣行省參知政事見十三年其陞右丞在十四年五月

順帝紀六

十三年正月以中書添設平章政事哈麻爲平章政事 案

本傳十二年八月拜中書添設右丞明年正月正除右丞宰相表同此云平章政事誤也

六月平章政事荅失入都魯總四川軍 案當作四川行省右丞是年正月所陞也其陞本省平章政事在十四年三

月本傳同

九月庚子太白經天 案天文志作十月是年九月乙丑朔則庚子當在十月此誤

十二月以西安王阿剌忒納失里爲豫王弟荅兒麻討南陽有功以西安王印與之 案阿剌忒納失里文宗天曆元年由西安王徙封豫王二年又以父秃刺越王印與之至順元年授金印鎮西番蓋以一人兼領三印實則仍守西安分地至此時則移駐豫王府而以西安與荅兒麻非西安王至此始封豫王也

十四年五月復發秃卜軍萬人命太傅阿剌吉領之 案十

三年五月有太尉阿刺吉此稱太傅疑誤

六月詔江浙行省參知政事佛家閻 案二月稱江浙行省

右丞未審孰是

順帝紀七

十五年閏正月丙午太陰犯心宿 案天文志作丁未

二月中書平章政事定住為左丞相 案已書於十四年十

二月

十二月壬子朔熒惑犯房宿 案天文志作癸丑

順帝紀八

十七年六月以帖里帖木兒老的沙並為御史大夫 案帖

里帖木兒為大夫已書于三月

十八年四月平章政事定住 案宰相表不載疑是行省

十九年正月陳友諒兵陷信州路守臣江東廉訪副使伯顏

不花的斤力戰死之 案本傳六月自刎

二十年六月不得出嵐興州境界 案當作嵐興等州

順帝紀九

二十二年五月中書參知政事陳祖仁上章乞罷修上都宮

闕 案本傳在二十一年五月時祖仁官參議中書省事其

官參知政事在二十四年此並誤

二十三年八月丙辰沂州有赤氣 案五行志作忻州

二十五年正月丙寅太白晝見 案天文志作丁卯

十二月庚子歲星掩房宿 案天文志作庚午以上癸亥下

辛未證之則此誤也

順帝紀十

二十七年十一月大明兵取益都路宣慰使普顏不花死之

案本傳授山東宣慰使再轉知樞密院事平章山東行

省守禦益都城陷不屈死非以宣慰使死也

二十八年四月隕霜殺菽 案五行志在奉元

閏七月白虹貫日 案五行志在冀寧文水縣

元史本證六

光緒十五年徐氏鑄學齋重刊

上虞王士濟校



